

稻香吟館詩藁

稻香吟館集卷七

嘉定李廣芸生甫

太平社救火事宜碑記

民非水火不生活過則爲災然水之災緩火之災迅
水之災由天火之災由天者少由人者多隆阜之處
水不能到寒冬之時水不能生而火則無時無處不
可虞其爲禍倍甚於水而救之之術備之道尤不
可不講求於平日德清去具區不遠境多澤故雖溪
受武康餘杭羣山之水然有時而漲不聞其泛濫漂
溺也然則水患可無憂而祝融回祿之變不能竟弭

昨者邑人不戒鬱攸爲沴黔廬赭垣禍已烈矣紳耆等憂之爰台力贖金爲備火計凡經費之資器用之設力役之募慮深而計周功旣集乃條其事屬客謁余而告之余嘉其義且內愧於心因作而言曰傳有之備豫不虞古之善政也雖然官之所掌何具無之不轉瞬而悉歸于亡何有者以其不專且久也而民間之謀一事興一功或有沽名之心或有牟利之念則亦必爲而不成成而不久所謂有治人無治法也人誠皆如諸君子之用心何事不可爲而融風永息與安瀾同慶猶不過一端而已顧卽此一端而能深

得古人相保相賅之義俾鄰里鄉黨咸受其福其高義惡可及哉客既退余遂述而文諸石以示後之人云

全公亭城隍廟記

蘆溼場治平湖縣境官舍面海大門之左有城隍神像在焉嶧峨周君謁選來蒞展謁之初詢於父老僉云官舍本廟其創建年代不可攷君聞言蹙然不寧未幾大病恍惚若有神佑病良已乃移建廟于鎗塘橋首捐俸購地二畝有奇里人上舍陸貴章盛鳳鳴等各捐貲贊成之凡大門三楹正殿三楹有後廨有

前廊隙地植榆柳竹柏經始於嘉慶二年十月落成於三年十有二月而屬予記之周君尊甫按察公與先君子同中乾隆壬戌進士又同出于涪州周文恭公本房閱今將一甲子而予與君同官于此以公事常得相接知浙西各場惟君政爲最卽此移建城隍廟亦其一端夫城隍神之祀載在史書由來久矣有城隍而後有城隍神今場無城隍而有其神名實殆不副或疑君不當建廟移祀雖然城隍神非淫祀比傳曰有其舉之莫敢廢也又曰敬鬼神而遠之周君之爲合乎傳所云矣因記之

梅里新建節孝祠記

國家明禮教崇節義自通都大邑迄夫窮陬僻澁凡
貞孝節烈之婦咸得上其事於

朝

資金建坊以垂不朽其沒者祀木主於節孝之祠春
秋俎豆有司奉行所以勸勵風俗者甚備誠千古之
盛典也嘉興之爲郡其文物聲明冠於浙東西而婦
人女子亦多能通知大義往往守從一而終之禮故
七邑之以節孝請

旌者歲不下數十人然而單門寒族無寸田尺宅之

產不幸失其所天猶能茹茶飲糜撫藐孤待遺腹以
延其宗祀者此其操之堅志之痛尤易所謂苦節之
貞而子孫式微不得一邀

旌典者又不知其凡幾此其人良可憫也梅里者隸
嘉興縣境去郡城三舍而遙其里多君子士風尤厚
暇日李徵君毅張上舍世儻謀於里之賢者以節孝
之婦兼多不能彙祀於郡之祠爰于其里古南禪院
之東偏卽圮屋而新之葺爲堂三楹舉里中已

旌之主爰於其中未旌之主附於楹東貞烈之主附
於楹西又舉見存節婦之姓氏書而懸之西夾其前

堂三楹以爲蒞事之所每歲春秋二仲月行祀事以
校官主其祭守若令暇或親詣焉予以發幽光式下
里助

朝廷之教化諸君子之用心良厚矣書有之表厥宅
里樹之風聲梅里節孝祠之建此物此志歟徵君之
從子孝廉超孫不佞分校所取士也以其事來諗并
句記焉不佞作而言曰此諸君子之賢亦守土者之
所樂聞也遂書其事而俾鐫之石是役也襄事者李
茂才鏗明經富孫遇孫上舍壽昌張上舍湘之棟土
榦仲上舍泰得附識焉

嘉興縣掩埋會記

自月令有拵骼埋醜之文後世遵而行之遂爲仁政之一端史官入之紀載唐代赦德音聞有委所在長吏藏瘞遺骸之語是以編唐詔者有收瘞一門迨宋天禧時詔收遺骸給以左藏庫錢元豐時又詔提舉常平官兼主其事則制加詳矣然此皆在中原之墜若今時燕趙齊豫之郊殊未見有暴櫓於野者惟江左平衍土隘民稠窮民往往淹棺不葬已見諸天寶詔書厥後南宋行都設立漏澤園至十一所之多郡縣亦遂仿而行之沿至於今我

國家深仁厚澤超越岐周而前歲以來浙西尤多善士仰體

皇仁競爲瘞薶之舉頃有嘉興縣紳魏君

松濤

呂君

問心等偕諸同志推廣行之兼及六邑此則他邑所無而功德益不可量也此舉以嘉慶丁卯由縣申請上司衙門咨達大部立案而贖金經理則以己巳爲始歲有度支之數刊錄敬信焉余嘉諸君子之仁心爲質因弁數語於簡端

重修聖塘庵記

庵而田所以永其庵也或無田而香火盛或有田而

失所守庵之興廢由于人事田無與焉而仍不能已
于買田者不欲委興廢於人事必思有以永之則其
心爲獨苦而其功乃不可沒邑有僧曰在嶺名悟雲
本徐氏子幼祝髮邑之圓通寺禮靜一和尚爲師旋
受東崖和尚戒會聖塘庵講壇久虛諸檀越迎在嶺
主之其徒乃稍稍集在嶺厲志苦行悟定慧法以布
施爲事庵前有石橋將圯乾隆乙卯募貲重建行者
賴之又念常住無恒業僧徒艱于餬口庵將終廢于
是以嘉慶丙辰歲出香積餘資若干買附庵田若干
畝爲庵恒久計在嶺之有功于庵也如是今世士農

工賈之家所必有餘輒隨手糜費不思有所積以爲子孫謀者比比皆是今在嶺奉浮屠之教而獨貽其徒以久遠之計亦賢矣哉又聞在嶺掌圓通常住時八年之間建祖堂延壽堂及雜寮十餘所則不特買田一事也吾願後之居是庵者以在嶺之田爲始基而更思有以永之也可

重建廣行橋記

廣行橋在平湖郭外東南隅四里許東連鹿苑西接賀墳南通乍浦居往來四達之地始創建于前明神宗之初載在邑志後屢圯屢修嘉慶七年之春橋又

圮有福源寺者與橋相望住持釋宋明憫行者之艱募財興築里人好善者衆欣然集事醵貲千金鳩工庀材七閱月而橋成臨淵者得免匏葉之賦乃介張茂才簡揆句余記之而別鑄出錢與司事者之姓名于碑陰余唯九月除道十月成梁載于紀傳昔鄭大夫子產以乘輿濟人溱洧孟子譏之良以橋之利溥非一輿之所可及也第古人所言北方之事三冬水涸架木以濟至春水生則撤其材而藏之若浙東江右及閩粵之間重巒疊嶂萬泉所趨谿流湍急或聚石水中爾雅所謂倚是也或用浮橋詩所謂造舟是

也漸江之西大江以北數百里間平川漫衍港汊縈
紆橋如櫛比皆甃石爲之可數十年堅者且百餘年
其成之也難而垂之也久余嘉宋明有濟于人無愧
佛門功德殆不當以人天小果有漏之因視之也簡
揆以爲然乎是爲記

南翔鎮志序

卅年前張丈蒿廬撰鎮志蒐羅採訪頗費苦心逝後
乏嗣其書僅存近年程君睿堂得其副墨重加釐正
又續其所未逮 邑大夫吳侯見而稱之家桐園亦
從事增益遂以劄劄自任而專使來禾以書相示且

索弁言 廣芸 先世爲按察楊氏館甥自青浦盤龍鎮

來遷迄今二百餘年不可謂非土著顧自乾隆丁卯

先奉政公筮仕江西至今閱一甲子 廣芸 生於嶺北

之信豐五六歲時曾一歸後庚寅歲先奉政公見背

始返故里宗族親串交游每每不能識迨丙午領鄉

薦後公車偕計旋亦宦游于浙計家居者才十餘年

此十餘年中又饑驅之日多盜處之日少故于里中

故事茫然無所見聞今得是編讀之奚啻暗行之得

燭也詩不云乎維桑與梓必恭敬止况以大母之苦

節先奉政公之居官咸獲表揚則又 廣芸 之所感佩

弗諉者已因是推之而知兩君著書之力與桐園棐行之澤闢幽微顯不且永垂不朽也哉若夫著書之義例作志之體裁取則先民胥歸大雅則不佞簿書多冗學殖久蕪蓋未敢妄參末議也是爲序

徐秋湄繫事表序

秀水徐秋湄先生踵姚江黃氏歷代甲子考爲繫事表十卷始黃帝元年終明崇禎十七年爲七十三甲子又三之一書成藏于家令子壽圃上舍欲刊行之介車學博半林句余爲敘余惟歷代甲子考爲編年之體而繫事爲表則又似合紀傳編年爲一手者昔

劉杳答王僧孺譜之問引桓譚新論太史公三代世表並效周譜僧孺歎爲得所未聞顧自孟堅而後諸史之表闕如伏无忌黃景之諸王王子功臣恩澤侯表邊韶崔實延篤之百官表作矣而不傳袁希之之漢表熊方之後漢表李燾之歷代宰相年表補前人之闕矣而未備吾知其難也至如紀元之書若稽古錄後永嘉朱氏紀年備遺削去呂后王莽曹魏武后朱梁諸紀年義理所會無偏駁之說善矣至如鍾氏廣漢撰建元考萬氏季埜撰紀元彙考摭拾可爲賅備然鍾氏遠紀外域而皇越昌符之鐘流在廉州反

未之及萬氏博極羣書而天寶寶大之石近在吳越
轉未之收則疑年抑又難者况綜古今數千百年而
約數千百卷之史以經緯其間則其難有數倍于作
一史之表者今此書鉤元提要以斜上旁行之格寓
條舉件繫之勤舉諸史才所未成者而成之秋湄先
生之學大矣壽圃雅材好古善讀遺書尙其亟付鐫
行以爲讀史者之圭臬可乎

當湖人文逸二編序

科舉之文所以取科舉也乃得科舉者不必工文而
工文者不必得科舉雖然科舉則不得矣而其文之

工自如也余不工文而忝竊科舉因益信不得科舉而工文者之必多筮仕浙西四年間三與分校閱卷共千五百有奇未嘗敢以輕心掉之思其有負於工文之人也乙卯闈中得平湖張子搆菴卷賞其文之工力薦而售搆菴旋謁余於德清官舍敏其所學誠不媿爲工於文者其明年余移治平湖搆菴首來迓并以人文逸見示乃其從祖端門先生所輯邑中不得志於科舉之人之文之工者受而讀之文洵工已惟其工所以可傳旣工以傳亦何必問其得科舉否耶余因憇憇搆菴爲續編搆菴欣然任之與同志廣

蒐博采慎之又慎越十閱月得文若干首皆最工者
搗菴工文而得科舉今乃肯撻拾不得志於科舉之
人之文而評騭而傳之其功不在端門下而其用心
爲尤厚已夫科舉之得不得不可知而文之工不工
惟在自勵吾願邑之求科舉者先斲其文之工可也

國朝小題文濬靈集序

時文雖小道然有理有法無理不立無法不行理一
而已法則千變萬化而尤莫備於小題蓋大題如康
莊廣路可以磬控自如折旋无礙小題語氣每多不
了甚或僅一二虛字羌無故實譬之羊腸鳥道偏側

歌謳觸處荆棘苟非文心之靈能於題外八面尋思
庸詎能冬起雷而夏造冰乎近時初學之士其天資
稍優者輒好務采色誇聲音但知題面不知題神但
作實處不作虛處顛預鶻突似一幀米家山水大題
如是安論小題數十年前諸老先生選本足爲暗度
金鍼近來版刻都就曼漉坊選又無善本當湖張子
撝菴余分校所取士也家世多能文之人于時文大
小題作法皆有師承克守先民軌範奉親授徒之暇
評選小題文若干首命曰濬靈集將爲家塾讀本余
見而善之乃爲梓行以公同好後生肯從此究心于

小題必能工再從事於大題亦無不工矣爰以管窺之見所及書於簡端

張簡夫八十壽序

平湖有篤行君子曰簡夫先生張子振之之尊人也振之爲余乙卯分校所得士揭曉後謁余於德清官舍述其家世暨簡夫行誼甚詳心竊異之越明年余移宰平湖因稔張氏故多耆宿嘗交蘿溪學博及其從弟耜洲上舍熙河孝廉皆植品能文章然皆稱道簡夫不置余乃嘆簡夫之種德甚深其食報正未有一艾也今年簡夫春秋八十同黨謀稱觴而勺余以一

言侑之余惟士風不古世之走通都驚聲譽者比比皆是其敦崇名節而淡於榮利者不可多覩矣先生少失恃事其父肅臺公維謹公年幾七十嘗染肺疾宛轉牀蓐間簡夫侍奉湯藥晝夜弗少離有一弟篤於友愛至老不衰娶沈孺人相敬如賓八閱月而沒終身不復娶撫弟之子躍鱗爲嗣辛勤教育迄於成立生平厲志耽書尤邃於經學猶子祖慶祖穀守銘輩經其指授莫不蜚聲藝苑而先生顧不得志於有司乃恬然聽之教子課徒外無他事此其孝義仁慈安貧樂道得之天性真不可及也已今先生年躋大

臺而精神矍鑠健飯如常振之授徒奉親一偕計吏
後不再赴克盡潔白之養以養孫二人奉其訓閉戶
讀書其長者已采芹次者小試亦列前茅先生享此
大年怡怡一室似乎造物者待之獨厚而不知其敦
實行而斥浮華實使之然非倖而致也余聞之壽者
酬也又曰受也天固不容於酬惟先生受之正未有
艾繼自今其所以垂裕後昆而培子孫之弗祿者殆
未可量故書之以當春酒之獻是爲序

法言李軌注跋

學士盧弓父先生讐校典籍至老不衰刊行之本精

案遠出汲古閣板本之右先生既歸道山尚有未刻
校本予見法言于友人所亟假錄其副寄親家德清
徐君節盦複校一過頗有所訂正以音義附於後又
爲攷異一卷會予典郡嘉興乃付之剞劂以惠來學
冷澹生活勝于徵譌選舞多矣刊既畢爲識數語於
後

孱守齋所編年譜五種跋

昔從先師游第知有二洪及放翁年譜而已癸亥之
春刊三譜畢以印本郵呈先師復書亦不言尙有它
種也先師既歸道山行狀中載所著書目錄方知又

有王伯厚王元美兩先生年譜亟索諸先師之家僅得元美譜其伯厚譜久之始檢得寄來迺續刊之合爲五種元美爲吾州人與王文肅公元馭同姓同時而異望一爲瑯邪一爲太原兩家世澤緜遠代有聞人先師又嘗作二王氏世系表當別入養新錄也

跋陸清獻家書後

右陸清獻公家書八通今藏錢上舍

仁培

家吳公孫

臺卿持以見示其語雖瑣屑家事不加文飾然藹然

氣象自露言表公不以書名而點畫端謹如其爲人且其原亦自從率更出也公宰吾邑去今已百廿餘

年而婦人孺子猶知有陸青天者嘗聞之先子云異時吾邑俗悍好鬥公以法痛繩之亡賴多斂跡蓋公之出政嚴肅除莠安良非迂緩優柔之輩所可及而當時大府注考猶謂之才不足何邪抑聞大府亦非碌碌者稔公名儒頗優容之既而惑於藩伯之譖乃上疏請調小縣致挂吏議後大府易箠時猶深以此事爲恨吁亦可謂能悔過者矣

廣芸

中鄉會榜適皆

後公兩甲子又待臯公鄉得展公之手翰不可謂非厚幸詩云高山仰止景行行止雖不能至心鄉往之

已

跋兩浙賑災記

右烏程張明經鑑所撰兩浙賑災記乃儀徵 阮先生撫浙時 奏疏及所奉

諭旨以迨條教章程案牘之文也封疆大臣能以饑溺爲懷者當推先生爲第一 廣芸 備官於屬不特耳

聞目覩且嘗效臂指之用矣嘉慶五年十二月先生捐白金八千兩發金華府易錢散給災民度歲又以一萬二千兩檄 廣芸 齎赴處州糴米平糶以金盡爲

度比至處開厰迄小滿後麥熟糧價平減而止計尙餘銀四千餘金先生悉以購石爲貢院東西號舍甃

地蓋六年適屆鄉試也十年正月又籌款檄

廣芸至

德清縣煮賑閱五旬而止是年五月浙西又值春歉

先生奏請煮賑時

廣芸

已假守嘉興上而稟承于先

生下而責成于紳士食粥貧民無不果腹歡欣時先

生乘舴艋攜轅弁一人僦從一二人親至各賑廠是

以

廣芸

及各令亦得奉以周旋免于愆咎張君浙人

念先生賑災之德萃成此書所載章程足爲後來者

取法惜乎案牘之不存者多卽張君筆記所載亦不

如

廣芸

躬親其事之得其真也

廣芸

在浙事先生者

數年比

廣芸

以憂歸先生旋去浙頃重來都下獲睹

是書因謹識數語于簡末願世之爲有司者家置一編云

重修汀州府學碑記

汀州於唐而學肇於宋至

國朝地凡三徙迨乾隆十有四年嘗增修焉而規制狹隘朽壞已甚厥後重修之役是在嘉慶九年蓋前太守興義李君明心實倡之勸輸庀材鳩工閱十三年之久至今始歲陳事其視舊制而增改者則爲大成殿基進四丈有奇高盈尺於前爲露臺爲戟門戟門之左右爲名宦鄉賢二祠祠之下爲頰池爲櫺

星門門之外舊爲路今改而圍之爲宮牆殿之後爲
崇聖祠爲祭器樂器所祠之左爲兩校官署兩署
之間傑出者爲尊經閣閣之前爲明倫堂堂之外爲
土地祠爲省牲所翼然於橫舍之左者爲文昌祠聳
然於東城之上高頰一郡者爲魁星閣欣然樂施而
俎而豆之者爲捐輸之人題名所八邑之所蒼萃以
底于成者計銀三萬四千五百兩有奇董厥役而始
終之者爲 等其大凡也凡鄉之占據以牟利
者輒如其直予之旣不斂小人之怨而學之舊基胥
復輪焉奐焉規樞乃得大備於是郡之賢士大夫句

余一言以志其事余聞班固有言曰古之學者耕且養三年而通一藝是故用日少而蓄德多自漢以後雜學支離末學膚淺求其通經以致用者蓋亦尠矣有宋諸儒發明性理之說粹然一出於正而承其流者或以空虛微眇爲學潛墮於異端而不自覺而於聖賢所謂孝弟忠信禮義廉恥之道離經辨志敬業樂羣之教切於倫常日用之事者反視爲淺近不足務由是人心日漓而風俗亦敝汀雖山國僻在一隅然先輩中如黎媿曾雷貫一諸先生或以理學或以文章政事卓然可傳流風未遠有志之士能毋惑乎

是非無昧乎邪正修身踐行以植其基懿文碩學以致其用將以爲聖賢根本之學且彰

聖朝治化之隆者安知今之不如昔哉余願汀之諸生母僅以科名利祿之見存於中也

改建嘉興府試院文場碑記

嘉慶十年四月前郡守鉅野姚君奉文府考甫試嘉善海鹽二縣童生遽丁內艱時

廣芸

以郡之海防丞

于役德清督煮賑事奉臺檄俾權守事并令馳赴辦考蓋恤士子之羣集以待也旣受印次日卽開考天多雨目擊東西號舍庳陋湫隘上淋下濕几案坐具

又時有毀裂者心爲之不盍居無何仰蒙

恩命真授是職乃躍然曰今可以改作之矣爰進郡之薦紳先生及三庠之士而謀鼎新焉則僉曰諾復就外縣之薦紳先生及庠士而謀焉則又僉曰諾於是庶芸偕各邑令尹先捐俸以紉而七邑之人出金

者遂相繼不絕乃延項君學醇陳君延聲錢君善膺褚君長春四人董其役鳩工庀材且司出納凡庶人在官者胥不得與焉遂擴文場東西之地而展寬之文場之內隔以庭文場之外繚以闌所據者所坐者所便旋者雨之所能侵者日之所能入者罔不曲爲

之計以期於無憾而後止又濬溝甃石自堂以下至
門外之屏平其路如砥又舉東之客位西之韓公祠
而并新之文場將試而啓旣畢而閉扃之鑰之以籓
條障之皆有司其事者焉

廣芸

初意不過欲崇其棟

密其瓦甃其地堅其坐倚之具而已初不虞如是之
改弦更張而其工作又如是之堅緻而整齊周詳而
鞏固也詩有之如竹苞矣如松茂矣記有之美哉輪
焉美哉奐焉舉以目斯殆可無愧蓋不特爲兩浙試
院之冠也夫士而懷居不足以爲士此聖人之言也
畢世之居不可懷况一日之居乎然而士之就試良

苦矣早則夜分遲或雞鳴卽興食而持橐立於風霜
雨露之下以待唱名比入場非遲明卽日出矣力旣
倦腹旣枵又以陋室困之宜其文之遠遜於平素也
是以工欲善其事必先利其器而今而後就試之士
庶幾心開目明其可以抽秘而騁妍爭盡此一日之
長矣是役也經始於十一年三月畢工於八月計用
白金七千有奇出錢者多不能仿漢碑之剗鉸姓名
於碑陰也則別梓徵信錄以垂久焉董役之四君子
尤能盡心力而爲之者其材足支百餘年尙有歲修
之經費存則不僅百餘年矣工旣畢廼勒其緣起於

石

觀雲樓文存跋

先君子幼孤家貧十餘歲時幾廢學年廿三始以冠軍入縣庠授徒之暇肆力於詩古文兼擅山水既成進士出膺民社之寄者幾二十年公餘此事不廢稿本弄巾箱中出入恒攜以自隨乾隆乙酉冬假益都刺史以公事至會垣歸途覆舟幸水涸岸近人得無恙而詩文稿皆漬於水矣其有副墨者不過十之一二自先君子見背藏之篋笈忽忽已卅有八年茲先浸古文問世詩擬續刊浸既畢工謹識數語于後以

志霜露之感焉

華陔草堂制藝跋

歲乙酉余年十三先君子牧宐都始從塾師習四書
文閱三年如未習也戊子夏先君子入都攜與偕親
督課之兩年中南北往來在途之日多業亦不甚進
已丑夏仲先君子疾作補官荆楚不克赴明年首春
遽捐館舍貧不能斂旣扶櫬歸又遵家難荒落益甚
稍定爲童子師已弱冠矣性旣純家又甚貧四試於
學使者不得當儕輩多挪揄之居窮巷中風瀟雨晦
之夕一燈熒然未嘗不拵卷長歎淚泫泫下蓋欲廢

者屢矣己亥春鉅野姚先生來宰余邑試首拔之是冬補諸生乃從鄉先達宮詹錢先生游頗講六書經史而名場之志泊如也故與歲科校者各再皆居人後丙午鄉試受知於大興朱先生擢冠春秋一經殊出意外庚戌禮闈三場均爲主司所賞幾得元矣以律句用毛詩二字未安抑之猶得第六於是年卅有八矣回思操觚以來更廿六寒暑而先君子之見背亦二十年閱時不爲不久顧少而失學長無膠序之譽自媿於此道頗未究心乃忝竊科名再列高第幾疑莊生鹵莽滅裂之語爲不足憑則先君子之遺蔭

長也舊時課草無多丁未戊申間館邑大夫玉屏於
侯齋遂爲學徒取去頃檢他笥所存益以公車及宦
游見獵之作得如干首不忍棄去輒付之梓非敢問
世聊以志鮮民之悲知遇之感云爾

從叔母朱太安人傳

太安人姓朱氏考上舍蘭亭公諱聞韶妣程氏裔出
考亭由新安遷姑蘇蘭亭公有才子文學凌霄先生
名與王侍郎述庵吳舍人竹嶼趙少卿璞函諸先生
相埒結詩社倡和譽望翕然著有藥房詩稿太安人
其長妹也從大父慎齋公之長女適凌霄先生與太

安人閨中相得會從父蘋洲公失偶稔知太安人之
德性端淑遂委禽焉既于歸事姑盡孝撫前室汪太
安人女有恩處妯娌無間言馭下以寬待人以禮平
居言笑不苟內外肅然佐蘋洲公庀家政井井有條
理自蘋洲公捐館舍廿餘年來率諸子經營婚嫁豐
而不侈儉而不吝故食指日繁能克守其家弗替諸
子亦善體太安人意凡事必稟命而行不比匪不務
外一室之間怡怡孝友能不染浮靡驕淫之習姻鄰
宗族亦因是愈賢太安人以其治家有則足爲遠近
矜式也凌霄先生才而勿壽旬日間從姑氏相繼徂

謝無子遺二女甚幼家亦中落堂上兩老人無所依
太安人請於蘋洲公迎養於家迄喪葬咸盡禮撫凌
霄先生二女爲女嫁之二女之壻皆早亡二嫠女又
依太安人之日爲多蓋孝友慈愛實備之矣太安人
體素豐碩顧入夏輒畏熱茗飲過多六十以後氣血
漸耗時時善病壬戌之春適程氏少女卒甲子秋仲
子殞乙丑九月季子又不祿太安人外雖茹哀中實
悲不自勝一旦中寒疾作遂不可爲矣悲夫太安人
生於乾隆三年四月二十四日卒於嘉慶十一年正
月二日春秋六十有九例贈安人爲吾從父候選布

政使司理問蘋洲公諱鳳儀繼配生丈夫子四長錫
穎候選布政使司經歷次緝書貢生先卒次綸書太
學生次紫書太學生先卒女子六長汪太安人出字
太學生金成玉未嫁卒六適候選縣丞程世綦亦先
卒餘皆幼殤恩撫二甥女爲女長卽適金成玉次適
太學生程驥孫男八人錫穎子三瑋珠琢緝書子一
珩綸書子三華清瑚璉紫書子一瑛孫女八人錫穎
女一緝書女三綸書女二紫書女二俱幼

論曰昔劉子政纂列女傳首母儀次賢明若我從母
朱太安人者相夫訓子之賢胥有足稱世有中壘其

人續編列女之傳太安人洵足厠其間而無媿者矣

金文學小傳

金文學名光烈字佑人霽堂金粟皆其所自號嘉興人也七歲辨四聲十四工駢體十八補諸生歲科校輒前列餼於庠尤爲學使阮宗伯所賞君貌豐厚性情亦肫摯事親孝歲乙巳母病劇深夜籲天願減已算延母年母旋愈翁煖出爲人後同居共炊友愛無間言丙辰秋悼亡久之不續娶與人交如飲醇酒君學問該洽詞章清麗顧久躡名場乃出爲書記近則蕭山苕溪吳門遠則北踰大江抵邗溝南歷太末所

至得山川之助詩文益工最後入余幕以暴病亡一
子孟堅尙幼悲哉君詩文稿多不自收拾頃屬其尊
甫蒐輯之將梓以問世云

論曰余所交文人之短折者一爲滁張子聞一爲寧
化張孟詞及君而三子聞登賢書孟詞捷禮部稍食
文章之報維君以諸生終尤可掄腕然兩張君皆無
後君猶有子庶幾羸歟

先府君行畧

府君姓李氏諱夢璉初名鉉字登五號蓼園晚更棗
垣又號曾香外史世居嘉定之南翔鎮先大父太學

生光度公自考以上隱德弗耀大父生四子府君其
季生甫週歲大母呂太孺人下世明年先大父亦卒
時繼大母許太孺人來歸纔五十餘日比三四年曾
大父捐館又三月長世父死亡府君幼罹閔凶備嘗
諸艱惟依許太孺人膝下鞠育教誨從祖慎齋公鈞
校生產支柱門戶迄于成立其間風波荆棘不可殫
述甫就外傳穎悟異常十三歲廢歸習貿遷業至晚
自篝燈讀族曾大父旭培公素喜誘掖後進奇府君
謂許太孺人曰此子令習儒業可成就許太孺人以
家貧有難色公曰子友王詡齋者高才宿學善誨人

予攜孫往東脩可勿計府君於是從王訥齋先生遊
年蓋十六七矣先生諱世樞雍正乙卯貢士而舉博
學鴻詞者也於諸同學中獨賞識府君府君亦深得
先生教雍正戊申歲王先生以選拔貢成均將入都
應廷試于時從祖慎齋公僑無錫招府君往府君乃
負笈之梁谿從顧右卿先生遊是冬卽歸年二十有
三補博士弟子員乃大肆力於詩古文辭間以其餘
功點染山水乾隆辛酉以詩經領本省鄉薦第九人
壬戌捷禮闈釋褐需次歸里爲許太孺人請

旌建坊癸亥應房師江陰宰蔡雨亭先生聘掌澄江

書院教明年入都需選三載春明日於旅邸賦詩作
畫遇達官貴人落落然不投一刺丁卯除江西萬安
令己巳大母許太孺人挈前母張太孺人就養焉庚
午六月因公鐫級先一月兄賡蓮暴病殤張太孺人
因是得病比離任又遭山水漲發公寓水深數尺深
夜出避高阜始免衣物莫不淋漓後一月張太孺人
亦不起許太孺人既痛媳與孫相繼亡而府君寓公
候代又復公私拮据恐益貽許太孺人憂乃囑姑婿
郁君慎旃送許太孺人及先妣張太孺人兄賡蓮之
柩先歸嘗有詩曰一身畱寓支官債雙柩還鄉抵宦

囊蓋紀實也十月始去萬安府君宰萬安三載廉潔自持去之日資斧不辦士民設帳祖道請尸祝于虔之濂溪書院府君峻却之有老叟劉某不出門者已數年亦扶杖來送曰某年九十六矣見長官未有如公者萬之人德府君如此辛未五月引 見奉

旨仍發往江西以知縣用是冬署建昌壬申四月先母姚太孺人來歸復署樂安十二月補授信豐信豐俗悍而好鬥門則訟或致死不惜府君至力爲整頓示以恩威民之桀驁者始稍稍戢嗣是獄訟得少減癸酉八月充江西鄉試同考官得毛進士愛松等八

人十月不肖廢芸生丙子秋復充同考官得湯郡丞
顯相等八人旋丁繼祖妣許太孺人憂戊寅臘月繼
母曹太孺人來歸是月也舉三世之喪己卯六月入
都赴補九月第賡蓀生十二月復揀發西江庚辰二
月抵豫章六月署饒州府景德鎮同知未幾臨川缺
員劇邑也大府素知府君才乃檄改署臨川辛巳四
月署上高十月署鄱陽壬午閏五月補弋陽八月復
與分校癸未二月移知贛縣是冬以才能破格假贛
州守贛於江西十三郡中最稱煩劇府君以一身兼
守令處之裕如乙酉四月署宜都州州號難治屬邑

雖僅二其煩倍劇郡府君勵精聽斷政令肅然比冬旋頓丁亥冬又因公鐫級戊子六月入都秋九月引見奉

旨以原官用需次銓曹因復南遊豫章己丑四月仍北上抵都半月忽患肩臂痛未幾左體不仁同譜諸公以參桂相饋遺病得稍瘥九月屆選援例代掣湖北安陸縣猶以疾假焉方冀春和可以全愈而牀頭金盡行復鬱鬱且以過服重劑氣不勝藥遂更病氣喘天寒益劇至庚寅正月二日卒于都門邸舍享年六十府君好讀書博聞強記服官後公暇猶手不釋

卷每作文落筆滾滾不能休頃刻數千言詩古文皆成一家言見後生之勤於學者輒喜官江右三與分校闈中悉心搜索獲一佳卷則往復沈吟擊節歎賞喜形眉宇苟不得當於主司則若有所失必爭之數四嫌怨不避所取稱得士士之出府君門下者咸爭以爲榮而府君亦終獲其報平居古道自持輕財貨憐孤寡孝事繼母少時好遊許太孺人或不與食或撻之則跪受責請改仲伯早夭伯母寡居依于府君爲兩姪娶婦暮年嘗云子老矣今兩兄之子皆娶事已畢吾兒尚幼任自爲之予窮宦一生旣亦不暇計

伯父堯千公自贛歸里府君流淚竟日謂老年弟兄
別後不知能再晤否不樂者久之官贛時有吳郡鄧
名安道者以孝廉之官粵東道出贛病沒蕭寺攜一
孤纔八齡其僕趨告府君與鄧素不相識聞卽往視
爲之經紀殯殮且歸其旅櫬蓋赴義若渴府君天性
然也其他多類此居官操守廉潔人不能干以私聽
斷甚敏決每具一獄老吏不能增減一字凡曲直必
中情理不肯斲法徇人故獄多平反而遇有疑案上
游輒檄委府君讞府君悉心剖決毋縱毋枉其間保
全者甚多蓋猶是歐公求其生而不得心也屢宰劇

邑幕無賓佐一切簿書錢穀皆躬親勾當素有痔疾
偶一發則困甚猶臥而治官書在益都時值溽暑兩
足患瘍不能鞵仍日坐廳事知弋陽僅八閱月且半
以鄰邑事他出弋之人勒碑頌德知贛縣時有屯田
因前履丈時有丈溢者賦較原額贏萬爲疲丁累府
君廉得其實踏步核冊計實額顛之上官得題請減
除然猶以格於成局未能全豁爲當官一歉心事所
著軍屯議二篇今載文稿中其餘宦轍所至如在萬
安在弋陽時屬續時貧不能斂同年侍郎金雨叔先
生率同人經紀之始得歸殯焉子三長賡蓮季賡蓀

皆殤次節

不孝廣芸

乾隆丙午舉人庚戌

恩科進士今任浙江嘉興府平湖縣知縣加三級
大計薦舉卓異女一適同邑諸生顧惠衡

文林郎徐州府儒學教授王公墓志銘

父執易圃王先生既就養於令子進祖西平官舍之
六年也一旦萌歸思西平性最孝亟乞假身候代而
屬其兄述祖及婦子輩先奉先生歸以嘉慶丙寅八
月至家明年三月無疾而逝於是年八十矣配何顏
兩宜人先卒已葬兩令子將以臘月之吉啓生藏而
窆焉先期來句

廣芸

爲志墓之文

廣芸

未嘗學古文

何足以銘先生顧西平兄弟不求之朝貴而以屬風

塵俗吏者蓋以兩世交誼知之深言之爲可信也則

其銘先生也固宜憶乾隆戊子秋

廣芸

侍先大夫入

都始識先生一日過寓舍先大夫以

廣芸

課文示先

生曰孺子何如曰可教也時

廣芸

才十六歲再逾年

而先大夫見背

廣芸

備歷艱苦與西平兄弟先後同

應童子試後倖忝科第出爲令十餘年來濫膺郡符

而髮白齒落頹然一翁自先生沒後先大夫之友蓋

無一存者矣嗚呼其忍銘吾先生哉先生幼慧九歲

父命賦萬壽菊詩奇之賚以松花石硯硯爲

仁廟賜先生大父物也及長遂以詩名大江南北詩人林立皆推先生執牛耳然先生行誼有古君子之風其居心行事無浮薄之習不當以詩人目之也往來京師就試者十年從不以行卷干貴人學日進品日粹名亦日重衍聖公聘爲子嗣公憲培師在曲阜者四年大學士公阿文成公亦延以教公孫侍

郎 尚書兩公是也其餘所成就後進甚夥年及艾始登一第遂就學職不得以政事表見然每每佐有司勘災散賑捕蝗必盡心力爲之嘗奉檄勘沛縣太行隄戊夜水潰隄入城乃佐令集漁舟以拯居民

所活者甚衆後先生就養西平尤以加意矜恤獄囚
爲訓先生之經濟於此略見端倪若夫建家廟輯宗
譜施藥餌之類猶其小節耳按狀先生諱元勳字叔
華初字秀峰號東溟又號冲成子晚號易圃居士以
國子生中乾隆丁酉順天舉人戊戌進士任徐州府
儒學教授以子進祖官封奉直大夫西平縣知縣加
三級先世在宋自北遷南居崑山爲望族有介山公
諱芬者始遷嘉定九傳爲貞憲先生諱泰際明崇禎
癸未進士入

國朝不仕是爲先生之本生高祖考曾祖考諱楫汝

順治辛卯舉人祖考諱晦康熙壬辰進士翰林院庶

吉士考諱思渠國子生以先生官贈文林郎元配何

繼配顏均贈宜人子男二長述祖監生候選五城兵

馬司次進祖乾隆己酉舉人癸丑進士西平縣知縣

女一適隨州州同姚元煊孫男五人女四人所著易

圃詩鈔三十卷彙版行世又古文六卷代撰經進詩

文摩金集四卷樵玉山房詞稿四卷秀華山人詞稿

二卷歸田吟稿二卷藏於家以嘉慶十二年十二月

十八日葬於寶山縣宙號三十九圖譚家灣先塋昭

穴銘曰

太原王邑右族百餘年科十六吉士與修撰續公晚
遇甘苜蓿享大年食子祿惟有德迺基福後益昌理
可卜

山居圖記

代青浦王副都先生作

昔余之從軍絕徼也遠道放隘備歷險阻雲生馬首
徑繞羊腸亭午冒五里之霧盛夏映千年之雪立壁
倚天則效猿臂而登密箐蔽日則藉象鼻以開每擊
轡叱馭輒股栗心悸於是載懷梓里屬想芳流居峰
仰之間負山澤之儀凡所游覽咸成勝賞老友邵君
西樵安樂仙卿騷雅盟主七十之歲神明不衰小隱

未成高山有志爰倚虎頭俾濡鼠翰用寫長卷以爲
左券彼其披翠柏于蘋巖蔭綠蘿于丹壑泉響不斷
林竿自吹有周處讀書之臺非晏嬰近市之宅不邨
不郭可耕可釣當夫風日清美神情爽朗足以棲神
白雲流心元扁矣夫元亮樂素心而卜宅少文思動
操于臥游負此秀情足希宿哲是以命駕而來請回
俗士刺船而至所謂伊人

圖爲顧君某作卷末有
牽舟來者其自寓也

以
眠騁九折之阪陟三成之山躡躅頽厓扳援枓木不
亦險夷殊塗勞逸異致乎其在詩曰在彼空谷其人
如玉西樵庶幾焉

倉頡篇跋

羸夫文破姬王書教保氏形聲之用薄海率由故伯
宗之數艷舒言偁反正楚莊之告潘黨語及止戈二
首六身日數用計唐炆友手交默符文无不同叟
有其闕周對阮晉諸侯力政人逞已△文字漸異蔡
丞相斯乃舉同之罷其不合于是作倉頡篇焉其書
雖用篆文猶多古字是鳥籀之遺體非左隸可比肩
漢時閭里書師競相傳授始駟合呂爰歷博敷而仍
其名後又笄呂巡纂滂喜而易其目自閱魏晉呂隸
李唐十鼓用彰三倉轉逸不亦惜哉間嘗涉獵甄文

磳求簡帙歎六書之弗講見載籍之多譌日體象形

元命包謂四合其一劉聲从𠄎漢合孳謂𠄎在東方

說文𠄎劉𠄎字不當无劉字後特脫去耳劉字从𠄎得聲乃古文𠄎字春𠄎漢合孳白劉季握𠄎金刀在

軫北𠄎在東方陽所患豈罔忠疊夏三日不无穿鑿

大是不采𠄎𠄎字也

塵失豪釐馴至六朝亦遞武氏先人爲老多鳥成鷄

一忠相屬佞臣四方合而佻國尤萊古詛足壯人心

稍有知者咸嗤之已荅夫帶从席下三安景俯碑識

中郎色絲隱絕律說廷尉止句爲苛技諸伏獵侍郎

弄麀宰相弓挽罔石屋似一金相忒幾希特未甚耳

况經三寫之餘彌襲千穰之謬犬臺元誤豕渡同譏

泚水入江將哉易我瀼書地理志泚水子師錢少詹

學妄音眞陽失印曰水爲心百石謬改碑彪三三難

分積畫既之下米已久滅禮中庸既稟注既讀爲餽

餽聲同故讀既爲餽余案說文曰氣餽客芻米也重

文倫槃又倫餽竊疑既稟本倫槃稟後字斲滅止存

上半食之上夕又不存說文人部侏下引國語侏飯

講曰此字見閒一字而誤分山松兩名而妄合水經

斲滅也山松譌注袁凡在編蒲之士宜加婦葉之功夏胥但識俗

書不知奇字王輔嗣壹壺始亂僞孔氏乎豸不明用

充祿江茨誤方言方言茨睪明也茨古文充磬改周

處士說頌爾正磬利也周頌胥磬其柶毛公亦訓爲利與畧

則竟作畧字曰字書徐騎省不知委委之與文孫季

文曰襴襴襴襴卽尔正委委佗佗之與文陸博士罔

說文襴又當爲隈字之譌也陸佗音同

采髹髹之古體爲髹髹之譌髹古文髹字毛詩徂迓

義非遠近惠侍講曰詩往迓王明迓班叟大奩形殊

龍龜上黨沾縣大奩谷北地龍有大奩縣師古曰

龜爲龜道書艸厖余師錢少詹事曰說文厖字道經

有弓字必是厖字釋典譌芑惠徵士說蓬昔芑字與

艸書後譌爲弓耳芑同衛彈云芑芑黍稷

知芑卽車渠馬嚼忘取象之由來大車之渠見書大

芑字玉篇論碑磔俗字也魏文帝馬嚼勒賦曰馬嚼

玉屬有侶馬嚼故其方人因曰名之然則不當

矣王芑江旭士謂琵琶當

攆把坎侯失命名之所自攆把筌篥當

矣

也 落斯之類遽數難終佗如淮足與晉松腹見癭絲

挂山上

北齊書薛淑夢亮於山上挂絲以告張亮且占之曰山上絲幽字也君其爲幽州乎數日

出爲幽州刺史

縣治水間

水經注劉澂之曰縣東南有章水西有貢水西是爲謬也縣治二

水之間二水合韻字因以名縣焉劉氏專以字說水而不知遺失其水實矣

絕无依據

不足論矣吾習孫君季仇博極羣書精碑小學閱五

十五篇之既逸悼二十九字之又焚

秦山剏石真蔡勅也乾隆三季

燬于火

爰掇它書采其贍語用成此冊已惠來茲庶窺

全豹之辨如八千狐之六

賡芸

合志同方相韋遠對

名息驥坵書藉煖遺枵腹玩羞奉心滋媿

嘉定四賢傳

曹仁虎字來殷少好學沈靜年十六試於縣下筆千
言令驚嘆置第一學使副都御史崔紀目爲奇才以
文望檄入蘇州紫陽書院肄業學使副都御史雷鏞
舉優貢乾隆十二年應

南巡

召試列一等二名

特賜舉人授內閣中書二十六年成進士改庶吉士
散館授編修擢右中允充

日講官歷侍講侍讀右庶子侍講學士五十一年命
督廣東學政與前學政受業弟子少詹事平恕交代

五十二年夏方試連州母卒踰戴星冒暑旋省遽
卒乃八月八日也年五十七仁虎在翰林每撰代言
之文皆典重清切兩與

大考皆列二等教習庶吉士者凡七科乾隆庚子以
侍讀分校順天鄉試己丑以編修分校會試辛丑甲
辰以侍讀分校會試辛卯以編修充江西副考官癸
卯以侍讀充山西正考官又嘗爲武會試總裁官翰
林久與諸詩人仿韓孟聯句遠近傳誦所著有宛委
山房集春槃瑤華倡和集秦中雜稿鳴春集蓉鏡堂
文稿轉注古音考後爲湖廣總督畢沅索去校刊未

果旣而畢卒於軍營歸而籍沒稿遂失去青浦副榜
王繼成抄撮掇拾存詩文數卷非全豹矣惟轅韶集
七十二侯考有刊本詩多雅秀清麗而少雄傑之作
與平湖沈初蘭韻堂集絕相似頓主文衡浮薄之士
多奔走門下士論以此少之

俞昌言字范甄初名朱衣居在金沙墦之仄以諸生
中乾隆庚辰順天舉人辛卯會試中式殿一舉次年
壬辰補

殿試昌言目短視拙于書以三甲歸班願就教職選
蘇州府學蘇之繁華綺麗甲天下自來儒官多好與

素封之家往還周旋昌言性迂拙疎簡足跡不甚出門聚徒課文娓娓不倦暇則修淨土業閱五年卒于官爲乾隆四十九年八月年五十四昌言家本有衣食資旣久居京師日以落無子弟子莊銓爲營葬焉諸廷槐字殿掄家護國寺西有嘯雪齋藏書萬卷少爲諸生家頗裕性好客乃招集同志之士林大中印照王鳴韶王元勳汪景龍顧金祥張允武毛思正王元桐及妹婿錢塘弟子張崇儔結社月有詩會燈紅酒綠每一詩成互相推敲時名鵲起所謂練川十二家是也雖食餼顧屢困于棘園旣友朋或游或仕星

散遂不甚作詩愛讀新唐書謂唐亡于藩鎮而表僅志其地不志其人不足以資考鏡乃仿班史公卿百官志刺取節度使之姓名而一一譜之講史學者頗稱之嘗入貲需次學職以 年卒年七十 廷槐貌豐厚聲如洪鐘辨色卽興課子及甥極嚴性方剛口無擇言與人交真率坦白友朋有過面折之子三長仁煦早慧十三歲入學學政侍郎彭元瑞嘆爲奇童自能言不近腥血未幾天

張鵬翀字天蜚幼魯鈍十餘歲患病幾死病愈而大慧以縣學生中雍正元年第七名舉人五年成進士

改庶吉士散館授檢討充

皇清文穎館纂修又充八旗志書館纂修乙卯充雲南副考官乾隆六年陞侍講充河南正考官擢右庶子充

日講官歷少詹事至詹事鵬翀在翰林詩才敏捷爲高廟所稱爲

講官時進經史法戒詩五十章寓規于頌又陳十愼箴均邀

宸獎工畫山水嘗寫春林澹靄題六絕句進呈

御題次韻以

賜鵬翀卽於宮門外疊韻謝

恩是以屢邀

寵賚又

御書雙清閣額以

賜乾隆十三年請假省墓臨行

賜白金百兩又

賜詩以

寵其行有香案須供奉休耽五柳居之句舟次德州
病卒

上聞之深爲惋悼嘉定詞臣遇

主之隆無過於鵬翀者詹事于翰林班最崇七卿多
歷是以遷乾隆年間惟鵬翀及寧都盧明楷皆卒於
此官士論惜之鵬翀性和易不忤物所著南華詩鈔
若干卷

金硯雲古錢考跋

廿餘年前在杭州曾見仁和趙晉齋所藏貨布刀幣
古錢數十種後計偕至京師聞同年大興翁宜泉好
收古錢甚夥邇年吾邑錢旣軒昆季亦有此癖然皆
未聞有所著述頃世講金孝廉衍宗以其大父硯雲
先生所撰古錢考出示云將以付梓而索識數語於

簡末

廣芸

受而讀之其書分年號正僞及不知年代

外國爲四品他不綴焉非如洪文安泉志所列天與神二品之荒誕也近代厲徵君樊榭又嘗据陸友仁說作先秦貨布記矣今此書但列舊說數條而不爲附和之論則識亦有過人者蓋貨布有晉楚齊秦諸國名當爲春秋戰國時數百年間所鑄若秦併天下二世而亡不應如是之多也硯雲先生爲都憲公第五子博學好古隱居不仕都憲公以翰撰副乾隆辛酉科江南典試先君子領鄉薦第九人實出門下

廣

芸

髫年時得識先生之哲昆比部儀部增城諸公而

先生之幼弟運判公與廣芸同歲往在蘭陵都下廣

芸再得瞻謁今廣芸忝守是邦先生已久歸道山而

猶得與孝廉賢竹林往來講通門之誼雖不及見先生讀先生之書亦可謂厚幸歟乃謹跋數言於卷末以塞孝廉之請都憲公貫仁和商籍今文孫輩久居嘉禾乃分占嘉興秀水籍云

婿徐琳森玉

男華清正之同校

稻香吟館文集卷七終